





3084

## 釋淨土三

## 藏義卷第二十五

盡攝善薩中攝

自國中第二願

## 別願義四

沙門了舉述



觸光軟者是第三十三觸光柔軟願也亦名蒙光獲利願師文云蒙我光明觸其身者身心柔軟超過人天若不爾者不取正覺已問既有十二願何亦立此願答第十二願攝法身願故唯言光明無量此願攝衆生願故願無量光明之所照觸衆生獲益然則第十二願即是躬也此願是用躬用既異爲一無失問與觀經攝取不捨之文同異如何答此之願益即雖彼攝取之由彼益未必直此願躬所謂攝取十二十

本泉寺

八、兩願相應，名義不離，有不捨益所以順次往生之  
人現生護念光益。今此願通於宿善結緣等先意應  
知，問身意柔軟必攝取故也。何不直云願軀耶？答身  
意柔軟雖成攝取由正願軀者身意柔軟也。攝取佛  
德柔軟機益若以此二俱爲願體者有一願兩體之  
失問平等覺經云諸天人民蠕動之類見我光明莫  
不慈心作善來生我國若不尔者我不作佛已此經  
云蒙我光明相違如何答機自有冥顯佛亦施一應  
彼經舉顯機顯應故云見我光明此經舉冥機冥應  
故云蒙我光明譯人既異各據三義冥顯互具並不

相違何況願成就文而言見此光明本願願成冥顯  
影略此譯家好固平等覺經云莫不慈心作善來生  
我國此經云身心柔軟超過人天然現見世人似無  
此益如何答佛願不唐指佛語無虛妄何疑之耶但  
至孰難者莫以牛羊眼而辨人若安心決定蒙攝益  
人不墮外邪異見之難信心不退深狀穢土故今生  
前我三毒煩惱是正少邪我可知我豈尋人乎云願  
三益此為五益成就云其有衆生遇斯光者二塔消滅身意柔軟歡  
喜踊躍善心生焉若在三途勤苦之處見此光明皆

得休息無復苦惱壽終之後皆蒙解脫比得忍者是  
第三十四聞名得忍願也文云聞我名字不得菩薩  
無生法忍諸深摠持者不取正覺比問以聞名力何  
得無生忍耶答願力不可思議也何致疑惑如十住論  
云過去無數劫有佛號海德是諸現在佛皆從彼發  
願壽命無有量光明炎燁極國土甚清淨聞名定作  
佛上一般師云彼土無生也願成就即觀經上品上  
生即悟無生也摠持者陁羅尼翻名也彼經云得無  
量百千陁羅尼門上但經文雖見三福往生此人具  
三心三心離念佛不可發心故即念佛往生也故聞  
名得忍也云云未必然也三心万行通安心也何云  
離念佛不可發耶又九品之人具三心故皆念佛者  
以何名定散兩門之益又云望佛本願專稱名號乎  
次彼土無生雖無其過願文所不見也何恣定義耶  
誰知法藏發願廣通順吹遠生一生多生故依彌陀  
法終得無生者何不依此願文不云即生不得菩薩  
無生法忍者不取正覺故以今汝不得何疑後時他人  
證得耶故前安居院云問聞彌陀名號得法忍摠  
持之人何國誰人哉答有緣之人得之不可得疑一  
經其耳衆病悉除亦何土誰人耶五濁惡世無機無

益盲者常闇何疑日光乎比但此之釋似偏云現生  
或可往生亦可許之靜照釋云此願有二意一聞彼  
佛名於此界得不退二聞彼佛名卽生彼土得不退  
已雖然以上上品而為願成就全以不可云今私對  
云非是遠生無生亦非淨土法忍但是念佛行人切  
求見生當躰無生行人也即相不退理事縱橫生卽  
無生故知見生當躰即是無生也陀羅尼者此云摠  
持亦云聚集論註上云摠名以少攝多持名不散不  
失比爲得大利無上功德多善因緣具已衆德是名  
摠持見生無生衆德摠持若具三心唱念名號雖無

加行任運無功用平等善根卽成滿故是名聞名得  
無生法忍諸深摠持者也乃至往生不退能至阿耨  
菩提此願加備所令致也又莊嚴經云聞我名號諸  
無生法忍成就一切平等善根住無功用離加行故  
不以速得阿耨菩提上所言加行者卽有三品遠方  
便近方便至方便也遠方便者辭如盜人爲取人物  
漸漸行近方便者猶如已行彼處而伺其隙至方便  
者而如已伺得其隙而取其財物等云轉女者是第  
三十五轉女成男願也亦名女人往生願亦云聞名  
轉女願或名不得女像願也慳興師名遠離譏嫌願

未必然也。所以然者離譏嫌者國土功德即上離諸不善願是也。轉女機得益也。何混彼耶。云發菩提心。厭惡女身。壽終之後復爲女像者。不取正覺。已問以何因緣而發轉女成男之願耶。答女人是百惡長也。五障雲無暗時三從身不自余故寶積經云女人地獄使能斷佛種子外面似菩薩內心如夜叉一見於女人能失眼功德縱雖見大馳不可見女人已以是義故起此之願也。問第十八願云十方衆生之中不可漏女人所以者何出所除機除誣謗二若除女人可舉除機以不舉故知不漏之若爾者何重發

此願耶。答誠如問難但極惡女人所漏諸佛化道漏危別願雖言十方衆生恐限男子歟。可有此疑故重發此願也。此則取上十方衆生之中女人立此願也。總別二重願其例如上云間若爾者今轉女成男者爲現世為後生。答諸師多約後生大師亦判往生益。但前安居院以藥師本願與法花證理而爲例存現身轉女成男之義誠有證據事若最上利根機現身轉女成男不可遽之今本願文既云壽終之後何存異義。問縱得意後生轉女可云穢土轉女經云壽終之後不云往生故如何答願文不見往生但若住一

家御釋者應往生轉女成男觀念法門云義曰乃由彌陀本願力故女人稱佛名號正命終時即轉女身得成男子彌陀授手菩薩扶身坐寶花上從佛往生入佛大會終悟無生又一切女人若不因彌陀名願力者千劫万劫恒沙等劫終不可得轉女身應知今或有道俗云女人不得生淨土者此是妄說不可信也上况莊嚴經中說此願云即生我刹成男子身上大師高判幸與未度修多羅合可仰可仰問今大師御釋云若不因彌陀名願力者終不可得轉女身等付之不明轉女成男何必限彌陀藥師有轉女成男

願沫華有變成男子說加之仁王經云十千女人現身得神通上藥王品云盡是女身後不復受上余者如何答彌陀以極惡爲本女人是極惡女人也他佛本願既云持齋戒等故非惡業之女變成男子龍頓悟上機也十千女人亦復如是藥王不受如說修行人也不可例同故云終不可得等也今時女人若不因彌陀願力不可轉故云凡轉女身若依聲聞藏教二乘回轉若菩薩者三祇不轉百劫能轉若依菩薩藏教初分教意有三乘故例小乘知後分教意三賢不轉地上能轉若依頓教意雖有即轉次轉不同皆

是上根頓機非罪障凡女若以垢汙女質望彼大小漸頓聖道門千劫万劫恒沙等劫未可得轉然則約教之時大小初後皆難轉也約機之時頓亦難轉約時之日若漸若頓俱難轉也今此淨土一切皆轉別願超世以此得意問得生女人既轉女成男若爾者於彼淨土不可有女人何故釤音釋迦羅尼經云阿彌陀佛有父母耶答西河依大論云阿彌陀佛亦有嚴淨不嚴淨土如釋迦文判清泰國彌陀穢土也極樂彌陀淨土也既別土也不及疑難千福清泰極樂而爲一土父母魔王提婆達多等會之所謂般若母

也方便父也魔王者非常途魔佛法護持魔也如法華說雷樓那淨土而言雖有魔及魔民皆護佛法提婆達多同之又憍與師而存二義一化身女為佛母其後無女二釤音聲經說本所生土淨土成佛世界也云尋云淨土有化女耶答與師一義即有如次上千福存有無二義無者經不說之故也有者現有化鳥豈無化女耶若出證據大經云若廣說者百千万劫不能窮盡上但密宗付愛染王別有寶示及愛敬者是第三十七聞名愛敬願也亦名人天致敬願文云聞我名字五鉢投地稽首作禮歡喜信樂修菩薩

行諸天世人莫不致敬。若不爾者不取正覺。已問此願意如何。答十方世界諸天人民聞彌陀名號者稽首作禮修菩薩行也。問聞名號者有生謗者。豈此願成耶。答外道二乘生謗謗者非願力加念故無失云。問上既云稽首作禮下何亦云諸天世人莫不致敬耶。答或可上舉五軀投地歡喜信樂修菩薩行之人。下舉但致敬心之機故非重言或可上舉能札之人行相下舉所得之善果相所謂聞名敬礼之人自修菩薩行諸天世人見之莫不致敬此人云問彌陀敬礼之人被流罪殺害之人有之如何。答先業所追佛。

力所不及也。上至世尊無能遮抑以業勢力最強盛。故云非願力加念故無失如彼龍樹菩薩師子尊者預如來未來記尚償宿債况其餘凡夫乎云或可同葉互相致敬故云莫不致敬也云恭敬修中知識同伴是也或可上舉能礼之人行因下明依歡喜信樂修菩薩行得生淨土與普賢文殊觀音勢至等無數聖衆共相愛敬無憎嫉果云忠釋云同一念佛無別道故遠通夫四海之內皆爲兄弟此之意也云問經無因果之說如何答經說雖幽上下有致敬之意若非因果即成重言故知上因下果况大阿彌陀經說。

此願云。令我國中諸菩薩阿羅漢皆令心相敬愛。終無相嫉憎者。比此經願文不委細也。以異譯得意殊以無疑。云問若爾者有一願兩軀之失如何。荅能敬所得雖異。共一機始終。故無一願兩軀之失例。如第十八願三心念佛。心行相須。一機所行。故非兩軀之失。况因衆并舉。諸願例多。謂十八十念往生二十條。念果遂等也。云已上攝他國七種願畢。并前十七種即成二十四願。上來雖有攝自國攝他國不同廣釋攝凡夫願竟。

頌曰 摄聲聞菩薩二 韻聞無數攝聲聞

攝菩薩二各有九 供養諸佛供如意  
義曰自下三頌。尺攝聖人今頌其初於中初之二字。是攝聖人願之總標次之五字即是別標攝聖人有三言。攝聖人願即有二種。一攝聲聞二攝菩薩也。次之一句。攝聲聞列釋也。次之一句。攝菩薩總釋也。所謂攝自國攝他國二各有九願也。後之一句并下二頌。是攝菩薩之列釋也。聲聞無數者第十四願也。亦名攝多眷屬願。義文云國中聲聞有能計量下至三千大千世界。聲聞緣覺於百千劫悉共計狹知其數者。不取正覺。上問彼土大乘善根界無苦無惱處也。

何有聲聞衆耶。故論云。大乘善根界。二乘種不生。比  
若言不生者。今願及觀經中輩如何會之。若自他宗  
師會通非一。有餘師說彌陀菩薩正處。唯修小行。不  
後發大心者指  
曉後時人也  
生度後生未  
發  
得往生要由。垂終發菩提心。種大乘種。方乃得生。知  
大經中宣說其人發菩提心而得往生。彼之往生論。  
據終爲言。故說二乘種不生此經就始。故說中輩學。  
不得生。至此人雖復垂終發菩提心。先多學小。故至  
彼國聞苦空無常。發其本解。先證小果。以其垂終發  
大心。故得小果。已於小不住。必還入大。淨惡也天  
合疏論慈恩  
缺全  
同之未必然也。經論和會。雖得其理。垂終發心無聖

言故云。有餘師說發菩提心。有一種人。一人習小。久  
遠重深。一人習小。近淺輕薄。此二人同。雖發大心。而  
初人者。其意自謂。若得小果而不失彼大菩提心者。  
先證小果。然後欲取大菩提果。如是發故。彌陀於彼  
先說小法。令得小果。後遂說大法。令證大果。  
第二人既知小乘不極法故。即發永捨小果之心。更  
不取小。即修大行。今此中輩。唯明初人。龍興未必然  
也。發菩提心失同前故。云有餘師說。又非生彼退菩  
提心。但在此間。先發大心。種子不失。故得作因。以生  
彼國。而還行大乘之心。故云。未必然也。先發大

心彌招疑故云有餘師說其國無有二乘而言有者六心菩薩以失念華得生彼國退爲二乘然初退爲二乘之義人根多種或有遇惡緣故退爲二乘如此國中舍利子或有值善緣故退爲二乘如安樂土諸菩薩等或有直爾無緣退爲二乘以慧解力弱故如大品中六十菩薩聞說般若得小果等然非二乘心得生彼土必若以菩提心得生彼者何故更退爲二乘耶此人又在蓮華內故退爲二乘由解弱故智光乘論未必然也上三品人雖有華合更無退生二乘心故若云華合不以故者下三品人又在華內亦無退

生二乘心故若云華合退生小心華開速發大乘心者云何中輩華開已後猶取小果云有餘師說此論是集義論非是專釋一部文或有經中說爾隨土純有菩薩論依彼故說無二乘如悲華經等說彼唯有菩薩衆故義寂本細疏未必然也彼論即是淨土三經通申論也何闇正依而釋他經縱雖同彼應會今經依汝會尺不及文義何以本論而却容道非是專釋一部經文云有余師說若變化土有實聲聞中輩三人皆證小果故若受用土但有應化無實聲聞然受用土亦有多種或有純道菩薩衆住或有應化聲聞

住依後說故有聲聞義寂觀經疏未必然也此師二義亦是未決云有余師說若受用土二乘定無設有二乘佛菩薩化爲嚴佛土如論中說若變化土隨類不定標興觀經疏未必然也雖會論文不會經故云有余師說此土純學大乘之人生彼世界純大乘土也上輩三人是也故往生論云大乘善根界二乘種不生此土純學小乘之人生彼世界純小乘土中輩二人是也故木論云有淨妙土出過三界諸阿羅漢當生其中此土大小雜學之人生彼世界雜大小土中下及與下輩三人是也迦才譯未必然也此論何但尺上輩

三品耶彼土九品何亦通純大純小雜大小耶云有餘師說論據愚法言二乘種不生經依不愚法許往生也同師未必然也比論何但據愚法人定彼土相耶云故知古來諸師解不正耳又於淨土一家師資稟承一途不同轍且元祖玄忠大師釋云所言聲聞者是他方聲聞來生仍本名故稱爲聲聞此之師意於他方來生聲聞且立聲聞名實是菩薩也具如上五念門義中說而河同之若依一家大師釋義者初生之時實是聲聞也雖證四果轉向大乘大乘菩薩也疏云一轉向大已去更不退生二乘之心故名二乘

轍云陰列切車行迹也讀音辨正也

種不生亦名二乘心不生。此若依福禪師尺者隨見思斷惑分齊。且安四果之名。例如初分教菩薩於前八地中經聲聞次位群疑論五云彼爲先是小乘。狀人執煩惱爲此先斷取彼四果得名阿羅漢亦曰聲聞然非小乘也。至斷見惑名曰預流非住彼道名預流也。斷修惑已名阿羅漢如阿羅漢無諸惑故雖有此名只是菩薩之行漸頓兩人俱行菩薩行並趣求佛果雖並得名菩薩以彼趣求入菩提聲悟道復本是小機亦得名菩薩以彼趣求入菩提故菩薩之人以直往故但名菩薩不名聲聞以本不

是因聲悟道故佛以二名簡彼漸頓二衆弟子。比如是三義終歸一趣。若付一家會二師者。纏併譏嫌何妨。見修兩惑斷道用四諦觀成許聞小證四諦理故此二師應同一家。然則論據轉向之終故云二乘不生。今據證果之初故言聲聞無數。聲聞無數即是二乘種不生。二乘種不生即是聲聞無數也。尋云此願所舉聲聞法華論四種聲聞中何耶。答可通退大應化二種。難云退大者退昔大而成實聲聞如五百聲聞等是也。淨土聲聞若依玄忠梓他方來聲聞乘願力生佛道根芽。何云退大耶。答退大者改灭斷之。

情現身廻心也彼土聲聞一家大師既釋轉向大乘  
豈非退大耶但至玄忠釋者師資義少異若會之者  
~~玄忠~~無譏嫌一乘故尺無聲聞一家有漸悟轉入聲  
聞故判有聲聞歟實不可相違歟所云譏嫌者有永  
滅之想聲聞也當法華論決定性淨影尺愚法定不  
愚法退是大是也難云決定性者元住小乘無大緣者也  
退大者昔聞大若余者二俱可生淨土何必淨土之  
聲聞局退大耶若決定性不生者本願有漏機之過  
如何答當時住永滅之想不可生淨土故簡之也夫  
實決定性求大乘土而可生也又上悽者根熟之時

乘本願故可生也尋云上悽者何人耶答得煥頃者  
恩已證果者法華論云一決定二上悽三退大四應  
化前二未熟不與授記後二與記比記父句云今開三  
顯一正意爲決定退大聲聞令成大乘聲聞比記云  
論據在座得記今據通途被開上又云在昔即無退  
大應化之稱在今即無決定上悽之名比記依之有決  
定退大二種云一人之義云尋云淨土聲聞云退大  
者退何時大耶答者於穢土所結大緣也今家及妙  
樂同許衆生有大緣故云尋云有何意法藏之昔發  
此願耶答二乘有灰斷情以無餘爲期本願攝彼令

成佛道故發此願也玄忠大師尺云問曰尋法藏菩薩願及龍樹菩薩所讚皆似以彼國聲聞數多為奇此有何義答曰聲聞以實際為證計不應更能生佛道根芽而佛以本願不可思議神力攝令生彼必當復以神力生其無上道心譬如鳩鳥入水魚鷺咸死文集通天犀角觸之死者皆活五不思議中佛法眾不可思議駢人角駢也佛能使聲聞復生無上道心真不可思議至也已雜類有三尋云法華開三顯一與今本願往生同異如何答異而同也異者彼於此土悟開權之理而成佛也此不開悟而託願力生後成佛也開悟與願力雖異終成

銷樂之

佛故云同也問開會一乘與本願一乘勝劣如何答開會一乘調機一乘故尚墮機悟解故得益機少即是劣也辭如銷融金本願一乘佛意一乘故不願機解不故得入者多即是勝也猶如變成金凡爲一明一會三歸一穢土一乘故其法一轍皆從機知解辭言人三天橋如獨大鼻舊跡尋雞木願一乘不然灰滅之聲聞乘穿富下路著塵統見生願力不覺趣入無上菩提如蒼鶻纔見生擒智論橋後未舊大元吳姓只向枯橋同外尋聲聞他方來聲聞也若尔者於淨土可無永滅之想依何且證小果耶苔宿習在小故雖不生永滅之想

接沙法華經  
論疏卷第十一  
述情極之  
止息於此  
知

蘓息充小果也。例如天台涅槃四教俱下知常住證其  
果云。蘓心若息。還依賴觀。又知無量義經時一圓機。  
已熟尚得三法四果之益也。願成就云。彼佛國土聲  
聞菩薩其數難量。至彼佛初會。聲聞衆數不可稱計。  
菩薩亦然。上小經云。彼佛有無量無邊聲聞弟子。皆  
阿羅漢。非是算數所能知。上已上攝聲聞一願畢。  
供養諸佛者第二十三願也。文云。國中菩薩乘佛神  
力供養諸佛。一食之頃不能徧至無數無量那由他  
諸佛國者。不取正覺。上問與上第九神足通願。有何  
別耶。答上文且明以自神力而至諸佛國此願云承

佛神力。以之為別。又彼願只至諸佛國土。未必為供  
養。此文別云。供養諸佛。以之為異。又願文起盡上云。  
人天故攝。凡願也是云。菩薩故攝聖願也。不同非一  
故。爲兩願。云問小經云。常以清且供養他方十萬億  
佛。即以食時還到本國。上是一時也。十住論讚阿彌  
陀偈云。彼諸大菩薩日日於三時供養十方佛。是故  
誓首禮。上是三時也。相違如何。答略記會云。今經云  
衆生。彼論云。大菩薩故不相違。上或可經舉三時之  
中。一時論具。舉三時具略不同。而不相違。或可菩薩  
供佛。隨宜不同。經說一時論。舉三時各據一義。並不

相違願成就云彼國菩薩承佛威神一食之頃往詣  
十方無量世界恭敬供養諸佛世尊上觀經云遊歷  
十方供養諸佛已供如意者是第二十四供養如意  
願也亦云供具隨欲願與文云國中菩薩在諸佛前  
現其德本諸所欲求供養之具若不如意者不取正  
覺比凡就供養有三種一敬供養者莊嚴堂舍志也  
二行供養者讀經禮讚等也三利供養者飲食衣服  
等四事也問今經云無數無量供養之具自然化生  
應念即至比是自然如意也爾小經云常以清且各  
以衣械盛衆妙華供養他方十萬億佛等已是從本

土持行相違如何答菩薩供養非是一堆各據一邊  
而不相違云或可本願約大旨小經且說意樂菩薩  
歟如寶髻菩薩云或可衣械盛華即自然物非是作  
意功勞供具故不相違云問陀羅尼集經第二云若人  
不以香華衣等供養者雖生淨土而不得香華種種  
供養之報上若自不得供養之者何悉供養諸佛耶  
答本願不虛何至疑耶但至難文此是如來教逼之  
說非實義也往生要集云此文違彼佛本願更思擇  
之元云上願成就云隨心所念華香妓樂繒蓋幢幡無  
數無量供養之具自然化生應念即至珍妙殊特非

世所有報以奉散諸佛菩薩聲聞大衆已

釋淨土二藏義卷第二十五

釋淨土二藏義卷第二十六

盡攝菩薩中攝他國第二願

別願義五

頌曰 說一切智金剛身 見道場樹得辯才

智辯無窮見諸土 隨意聞法攝自國

義曰此之一頌初三句及後之四字是列釋也并前兩願而成九願第四之句後之三字是結文也無標目父只是文略說一切智者是第二十五願也亦名說法盡勝願興亦名說一切智者不取正覺已問一切智者菩薩不能演說一切智者不取正覺已問一切智者是何智耶答凡一切智者若依大品般若所說云一

切智道種智。一切種智。上然法相宗意。一切智根本智。即自行智也。道種智。一切種智合爲後得智。亦名化他智也。根本智者緣法性真理。道種智者緣有爲無漏之法。一切種智緣有爲。一切諸法也。故雖言三智。據實但是權實二智也。故理趣分疏卷云觀空性智。名一切智。即正躰智也。觀有智中分之爲二。一觀無漏道。名道相智。二觀所餘法相。相者相狀差別之相。即後得智此智觀無漏道。名道相智。觀所餘法名一切相智。一切種智分爲二。故已上云云若天台宗意者。言一切智者是空智也。道種智者是假智也。一切種

智。是中道智。三諦相即圓融無碍之極談。故互三諦法各有根本後得緣理。緣事自行化他之二智也。云今此願中所言演說一切智者。非是三智中一切智。今經所說之佛智是也。言佛智者。惣因行果德。自利利他。內證外用。依報正報。恒沙塵數無邊法門。森羅萬像。後得大悲。方法皆空。根本智德。有相無相。大小。權實。廣大菩提。一切智慧悉皆具證。是名說一切智。也。義寂法師名說一切智如佛願。即此謂也。覺經說此願云。我國諸菩薩說經行道。不如佛者。我不作佛。上亦此證也。又要集云。一切智心者。唯餘所說是第。

一義空相應心或可是願求佛種智心也已願成就  
云生彼佛國諸菩薩等所可講說常宣正法隨順智  
慧無違無失上又云智慧如大海三昧如山王上金  
剛身者第二十六得金剛身願也亦名身得金剛願  
亦名那羅延身願也文云國中菩薩不得金剛那  
羅延身者不取正覺上問金剛與那羅延爲一爲異  
荅金剛者不可破壞義也即身軀也那羅延者真諦  
三藏翻堅力亦名大力士此即力用也軀用不離故  
以爲一願金剛之堅力故依主尺也或可金剛願那  
羅延力不可傾動義堅力如金剛故云金剛那羅延

身金剛即那羅延故持華尺也大莊嚴經說此願云  
我得菩提成正覺已居我寶刹所有菩薩身大十六  
由旬得那羅延力身相端嚴光明照耀善根具足成  
就阿耨菩提上寶積經云若我成佛國所生諸菩薩  
等若無那羅延堅固力者不取正覺上悲華經云身  
得大力如那羅延上大悲分陀利經云令其一切衆  
具那羅延力比此等諸文但云那羅延力不云金剛  
故知以堅力喻金剛也尋云所引文云十六由旬上  
何身量小耶荅只是應此土機且舉數量數或可表  
十六分佛性歟彼土菩薩皆法性生身故云或可表

身相圓滿歟十六圓滿故云尋云那羅延力其量如何答俱舍論二十七云那羅延力量象等七力謂凡象香象摩訶諾捷那此云大行神鉢羅塞捷提此云勝伐  
浪伽此云妙迦摩迦此云執那羅延此云大後後力增前前十倍有說前六十倍增適那羅延半身之力此力一倍成那羅延上問身力強盛是有何要答身力雖不要內證此云力波羅密故外得身力強大爲願內證即願外用智慧力無畏等次第前願與此願應知那羅延力是分而非極例餘願可得意云大日經疏一云第八那羅延力執金剛者已發哀愍之心若

具大勢則能救護故次明也已上又云第九六那羅延力執金剛者謂持秘密神通力也如一闡提必死之疾二乘實際作證已死之人諸佛醫王明見如來性故即能必定師子吼於救療因緣心不怯弱諸菩薩尚不能爾故復明不共一切摩訶那羅延力已被自力教故云諸菩薩尚不爾今他力本願故諸菩薩具此德云願成就云因力緣力意力願力方便之力常力善力定力慧力多聞之力施戒忍辱精進禪定智慧之力正念正觀諸通明力如法調伏諸衆生力如是等力一切具足已上見道場樹者第二十八願也文

云國中菩薩乃至少功德者不能知見其道場樹無量光色高四百万里者不取正覺已問上有天眼通願徹見十方無量國土何不見自國菩提樹此願似無功如何答天眼雖遠見未明得益見道場樹之者已得法忍爲令知此義而立此願也云問於道場有應化有真實今道場者是何道場答真實無處隨機內證不定故也應化有處所言應化真實是娑婆教相也義例彼界道場樹是當應化道場有處所故也問四百万里者頌疏云一瑜縷那有十六里且依此說十二万由旬也連義述文贊中云一至三百步

故四百万里即十二万由旬已然悲華經第三說此願云我成阿耨菩提樹縱廣正等一萬由旬於此樹下坐道場時於一念中成阿耨菩提比十往生經云道場樹高四十萬由旬寶積經云道樹高十六億由旬比何如此相違耶答譯人既異所見各別部別見別不須和會復有義如下問觀經云佛身高六十萬億那由他恒河沙由旬道樹何四百万里耶答此事諸師異解非一有餘師說佛事難思不可以世情測然以二途求其相者由旬與里隨方不定如說此方一劫當彼一日一夜當知里等其義亦

唯識論第六者  
真言皆別說  
文說無別說  
定與彼同

然觀經由旬依此方故初業習觀彼佛量故此中里者依彼方說此經說觀非爲初業故未必然也此彼兩經一類淨土爲造惡說依何恣分初習後修天親菩薩依於三經合說一論通申五念於中何有此餘師說此云四百萬里佛頂已上去之量若并佛身相稱即是六十萬億那由他恒河沙由旬有餘四百萬里也亦可彼佛尺寸所計四百萬里疏一未必然也願成就說其本周圍八百里枝葉四布二十萬里既說本園四枝等量何云限佛頂已上諸之乎縱雖

葉  
如釋佛頂已上道樹短少周圍枝葉亦是狹少又若佛身以此界人間指分算計疊成由旬道樹亦尔若菩提樹以彼佛釋步疊成里者佛身亦尔無異別故若爾者佛身道樹俱成不番有餘師說寄應佛說道樹量寄真佛說佛身量連義述文質未必然也此經云壽命無量光明最勝此佛道樹豈寄應說一類本願前後鉢梢今云佛身由旬非數量量道樹數里亦復如是非但道樹華座圓光佛身菩薩大小不應亦是舉數量顯非數量故異說非異說一說非一說又於道樹中或云四百万里或云十六億由旬復說一万由

旬復說四十萬由旬隨情舉數量顯實非數量或可  
佛德自在聖境難測一塵刹海已容無尋何妨佛樹  
於實四百萬里樹下令座六十萬億那由他恒河沙  
由旬佛身而道樹非少佛身非大以實四百萬里雖  
名百千由旬里不成大由旬非小莫以贊礪數量凡  
心疑無質最佛境事云若得前義四百万里是假非  
假若得後義四百萬里是實非實諸師異解各述自  
情未在未在願成就云又無量壽佛其道場樹高四  
百萬里其本周圍五十由旬枝葉四布二十萬里一  
切衆寶自然合成以月光摩尼持海輪寶衆寶之王

而莊嚴之乃微風徐動吹諸枝葉至其聞音者得深  
法忍住不退轉乃至目覩其色耳聞其音鼻知其香舌  
賞其味身觸其光心以法緣一切皆得甚深法忍住  
不退轉乃至若彼國人天見此樹者得三法忍一者音  
響忍二者柔順忍三者無生法忍此皆無量壽佛威  
神力故本願力故滿足願故明了願堅固願故究竟  
願故已得辨才者是第二十九得辨才智願也亦  
云四無等辯願與文云國中菩薩若受讀經法諷誦  
持說而不得辨才智慧者不取正覺已問上有說一  
切智願何亦有此願耶若上名得一切智慧如舍利

是名得巧辨，如富婆故爲兩願無失云九付云無礙  
辨即有其四一法無导謂於諸法門無暗事也二義  
無导謂於一切義無滯事也一一名攝一切義等也三  
詞無导謂法門詞妙也四巧說無导於法義詞巧說  
微妙也彼國菩薩得此四辨八音無異於佛是此願  
軀問文受讀經法諷誦持說云然娑婆尚於佛在世  
無色經卷況於淨土如來常住說法既無滅後結集  
何云如是耶答凡讀誦者天台大師釋云法身氣息  
已此則約法身如來氣息逮得四辨八音之意也經  
法者有其三種一色經卷二口音經卷三實相經卷

也實相經者常住常顯恒說恒聞今所言經法者後  
二經法也既經云受讀而不云書寫知以師口說受  
讀歟諷誦亦約暗誦受持者雖無色經卷何無受持  
解說等義智論云信力故受念力故持已上名行或可  
彼土一切滿足淨土也既有化文化鳥何無黃卷朱  
軸經卷耶今經云受讀經法寶積經云讀誦經典對  
文名讀暗誦稱誦何無經卷例如彼土無闇而依意  
樂自用燈光但至娑婆在世例難者設雖娑婆在世  
無經卷淨土在世可有經卷以一切滿足之國土故  
况娑婆在世無經卷事未可決定滅後結集約多分

在世經卷約少分有何失乎願成就云以無等智為  
有能經有何  
生那些禁中  
多勿華无劣  
即有破之記  
已言無佛在  
造上言三會者  
一集黑門是命  
法溫三命三危  
設三命進應  
知

入演說等觀三界空無所有志求佛法具諸辨才除  
滅衆生煩惱之患從如來生解法如善知智滅音  
聲方便不欣世諦樂在正論修諸善本志崇佛道知  
一切法皆悉寂滅上智辨無窮者是第三十願也亦  
名辨才無窮願亦名慧辨無等願亦云辨才無盡願  
興文云國中菩薩智慧辨才若可限量者不取正覺

比問上有得辨才智願何亦有此願耶答上雖云四  
無等辨尚恐有限量今以無限量為此願貽也故願  
得名言智者說一切智之智也言辨者因無等辨之

辨也智辨二俱無窮無極是此願也問智辨無窮是  
何位德耶答天台智顥禪師釋云金剛前有量金剛  
後無量比等覺已前智慧辨才壽命福報皆是有量  
况身口之智慧滿願之辨才乎何況張儀之辨舌安  
守之利口世俗智才闇出世境乎佛果已滿智辨壽  
福皆是無窮智光圓滿無復可增然極樂菩薩願力  
住持智辨壽福與佛齊等甚深得益不思議法門問  
光明既不齊于佛智辨何等若壽命福報既齊於  
佛智辨無窮何以妨矣但至難者光明不齊以非願  
故不足為難况外儀少異大都要緇素分明願成就

云於佛教法設羅無礙智慧如大海三昧如山王。已又云功德辨才具足莊嚴無餘等者。已見諸土者是第四十見諸佛土之願亦名隨意照見願亦云普見佛土願果文云國中菩薩隨意欲見十方無量嚴淨佛土應時如願於寶樹中皆悉照見猶如明鏡覩其面像若不爾者不取正覺已問上有徵見十方願何亦有此願耶答有餘師說上土如明鏡照見十方穢土今此願中照見十方淨土靜未必然也上願云皆悉照見十方一切無量無數不可思議諸佛世界何定是穢土乎有餘師說惣別異也謂上惣於國土照

見十方今別於寶樹照見十方難未必然也惣別雖爾願躬未明何但以惣別分別兩願不同十八十五類一般師說上下共見淨穢於寶樹中何只見淨所以知者觀經寶樹云映現三千大千世界一切佛事十方佛國亦於中現已三千大千舉穢土十方佛國舉淨土故知寶樹之中亦現淨穢但言兩願異者上爲國土總現淨穢土今隨菩薩意樂見淨穢土寬未必然也觀經十方佛土取唯淨土上願諸佛世界取通淨穢是一不可若言觀經上云三千大千下云十方佛國故佛國取淨土無矣者彼經文云三千大千亦云十方佛

國故淨穢二分其義分明上願但說諸佛世界何以  
但說比並說俱云淨穢耶是二不可况此願文既云嚴淨  
佛土何無能別言云現淨穢乎是三不可今云上攝淨土  
願故國土如明鏡現十方淨土是報土德今攝衆生  
願故菩薩意樂欲見淨土欲見穢土應時各現故云  
如願以是爲別若得此意惣別淨穢有何妨乎問若  
爾者此願嚴淨佛土何通淨穢答誰云此願嚴淨佛  
土之言直通淨穢但是以觀經寶樹推此願寶樹也  
若會二經違如願通淨穢且順勝故云嚴淨歟例如  
饒王所現土云諸佛妙土云尋云何故必願於寶樹

中耶答設雖何處若定一處不避此難但會難者極  
樂寶樹華葉具足因果同時今諸菩薩隨其意樂見  
諸佛土非是修習見諸土因得如是果但依彌陀本  
願他力故能致此鳥表此義於寶樹中見諸佛土或  
可諸菩薩等見諸佛土意樂不同樹下池畔殿內樓  
上寶幢幡蓋珠簾玉欄寶渠寶蓮寶納寶珞種種莊  
嚴於中而現然今於寶樹現是其隨一此願之軀以  
見諸佛土而爲其軀非以寶樹爲其軀也知是意樂  
不同見上非一處莫以一往經文生對拙焉然則十  
方佛土之嚴淨而顯七重八德邊方德圓滿之尊顏

亦現珠羅寶網際或不起于座移滿月光如來不動國依正或不運於步示勝蓮華世界賢首佛妙相上人言大原問答極樂泥洹無爲境諸佛法王家云宜哉此言隨意聞法者是第四十六願也亦名自然聞法願亦云隨意得法願或名聞法自在願興文云國中菩薩隨其志願所欲聞法自然得聞若不爾者不取正覺已問極樂一乘清淨世界也縱雖有志願何聞三乘法若不聞之此願何用若雖壽命無量之處既有脩短自在之願若余者雖一乘清淨土有隨意聞法之願非所可恠問大論云諸佛初發心時見諸佛以

三乘度衆生自發願言我亦當以三乘度衆生上已是爲指此願答彼文必依此願此願未必以彼爲本所謂彼狹局三乘此廣通一切故知由有隨意聞法願故知有說三乘法度衆生之義也例如觸光柔軟與攝取不捨諸師亦不以此願名說三乘願之意在此而已况彼惄願此別願也但禪林寺直以此願證彼云願成就云隨其所應莫不聞者或聞佛聲或聞法聲或聞僧聲或寂靜聲空無我聲大慈悲聲波羅蜜聲或十力無異不共法聲諸通慧聲無所作聲不起滅聲無生忍聲乃至甘露灌頂衆妙法聲如是等聲

稱其所聞歡喜無量隨順清淨離欲寂滅真實之義隨順三寶力無所畏不共之法隨順通慧菩薩聲聞所行之道已攝自國者此三字結文也言已上攝自國九願畢

頌曰必至補處修梵行具根得定生貴家

具總見佛不退轉得三法忍攝他國

義曰此之一頌攝他國願之列釋也於中初之三句及第四句上之四字正九願列釋也第四句之下三字者是結文也無標目文亦是文略必至補處者是第二十二願也亦名一生補處願文云他方佛土諸

善薩衆來生我國究竟必至一生補處除其本願自在所化爲衆生故被弘誓鎧積累德本度脫一切遊諸佛國修菩薩行供養十方諸佛如來開化恒沙無量衆生使立無上正真之道超出常倫諸地之行現前修習普賢之德若不爾者不取正覺已問第十一願有必至滅度之願何勞重發此願耶問也答上雖言住定聚必至滅度未云速疾今云必至一生等又云超出常倫等尤大切願也鎮西答也問一生補處者何義耶答餘有一生在故云一生次當補佛處故云補處付之若約聲聞藏教分段一生也如上若依菩薩藏

教又異義且千也或云初地已上從斷無明位變易  
一生故云或云七地之終純無漏一向變易闡一生  
故云或云第十地住位有出變易一生故云實以等  
覺無始大士名一生補處只隔變易一生故也今所  
言此等覺一生補處也問若爾者第十一必至滅度  
是佛果也今願一生補處是等覺也至佛果滅度者  
何還入等覺位耶答彼付自國人天舉終果此約他  
方菩薩願今益謂得一生補處者終應至六般涅槃  
故非不次第也或可四十八願皆隨欣慕機情或或  
爲樂滅度之者從初必至滅度不敢必令至一生補

慶或為求一生補處之者從初令得一生補處不敦  
必令經諸地行兩願旨趣各據一義上下隨情並不  
相違問文云除其本願自在所化比然等覺因滿位  
故尤應足化度利生何爲本願自在所化願不至彼  
位耶佐介間也答菩薩意樂未必一准爲施自在利生楞  
嚴化用或入重玄門或倒取凡事度一切衆生遍十  
方佛國廣供養諸佛普結本緣所以地位增進自遲  
遲不至補處之輩何無之乎願文所除此意樂菩薩  
也鎮西答也問文云超出常倫諸地之行已爲補處德答  
是補處德也問諸地之行者此何位耶答有餘師云

常倫者。即凡夫之屬。故諸地亦初劫之地也。已上未必然也。若超出三賢一大僧祇證入初地。名補處者。何下文云現前修習普賢之德耶。云今云諸地者。不經三賢十地之行。云超出常倫等證入等覺無垢之位。云現前修習等故玄忠大師引此願了云案此經推彼國菩薩或可不從一地至一地言十地階次者是釋迦如來於闍浮提一應化道耳。他方淨土何必如此。乃若言菩薩必從一地至一地無超越之理未敢詳也。已慧心先德亦以此願文證圓教菩薩住上超次義意同玄忠之釋云願成就云彼國菩薩皆當。

究竟一生補處除其本願爲衆生故以弘誓功德而自莊嚴普欲度脫一切衆生。已阿彌陀經云衆生生者皆是阿鞞跋致其中多有一生補處其數甚多非是算數所能知之但可以無量無邊阿僧祇劫說。已修梵行者是第三十六聞名修梵行願也亦名常修梵行願文云十方無量不可思議諸佛世界諸菩薩衆聞我名字壽終之後常修梵行至成佛道若不尔者不取正覺。已問言梵行者是何行耶答先言名者梵者清淨離欲深義四洲六天愛欲熾盛鎮結輪迴生死之業若生上天遠離欲惑故名爲梵也今以伏

斷故愛名爲梵行而已次釋軀者言梵行者惣而言之佛道修行名爲離欲清淨之行是離世欲故大經云離欲深正念淨慧修梵行已法華經云具足清白梵行之相上付之亦有惣別二種言惣者華嚴經中說十梵行波宗師釋云十梵行者十信異名已然十信位具修十善故知指十善行名爲梵行言別者第三不媱名金爲梵行離欲染者正此意也色界天人無媱犯行故於不犯立梵行名智論云俱摩羅加持此翻不犯或云儒童不簡男女以惣不犯名俱摩羅加持是梵行義問上願一生補處今何還願下位梵行

耶答豈前不言四十八願隨欣慕情其旨如何况復梵行之名廣宜惣別莫令局難問所言梵行爲是一生將爲多生答既云壽終之後是顯多生亦云常修梵行是顯相續此則雖在穢土經歷多生梵行相續終令成佛也然一般師說彼國衆生可修清淨行顯名號清淨義故名號德也云未必然也攝他國願未必定約往生淨土何設臆說難云第三十五願云壽終之後復爲女像者已此願云壽終之後常修梵行已文言全同彼既約往生此何不尔乎答轉女成男在穢土難故一家大師約往生常修梵行穢土不難

大師無釋何云淨土異譯經文其旨分明問若爾者  
大悲芬陀利經云願使衆生來生其中乃至菩提際  
常具梵行此是約往生淨土何云穢土經歷耶答今  
經穢土受生經歷但至大悲經文者經經異說不須  
和會或可念佛行人專觀專想念念罪滅即得清  
淨是云梵行觀經云一切衆生爲煩惱賊之所害者  
說清淨業已大師釋云依下觀門專心念佛注想西  
方念念罪除故清淨也已上願成就云無染著心已

但彼土是

釋淨土二藏義卷第二十六

釋淨土二藏義卷第二十七

盡三輩義

沙門了譽述

別總義六

具根者是第四十一聞名具根願也亦名諸相貌妙  
願興文云他方國土諸菩薩衆聞我名字至于得佛  
諸根闕陋不具足者不取正覺已問至何位得具足  
諸根答君依聲聞藏教至百大劫位得六住定具根  
定特具此德也知三祇劫中具不具不定也若依菩  
薩藏教未驗若是性頗之意十信位中具不具不定  
歟但如喜見菩薩得現一切色身三昧已修燒臂行  
諸根不具此見初住真因之位後分教兼談地上具

空釋七言  
自在供養非是  
葉張枝亂人多空心而燒臂當得

并金色之身兩臂毫生說雄此承一月望歲自立承王制為至神子承  
陸壹五七

根之義無明斷位故云今願雖未至如是等具根位以本願力聞名之者至于成佛應具諸根此是難思本願力也或可所言具根者具足六根清淨也故悲華經云常得六根清淨上是通漫教相斷無明位具此德也今以本願力故未斷無明菩薩得六根清淨也辭如法華法師功德品云父母所生清淨肉眼等况淨土他力益難易易知云願成就云至成佛道六根清徹已上但<sub>彼土事</sub>得定者是第四十二聞名得定願也亦名解脫三昧願照亦名止觀俱住願興文云他方國土諸菩薩衆聞我名號皆悉逮得清淨解脫三昧

住是三昧一發意頃供養無量不可思議諸佛世尊而不失定意若不爾者不取正覺上問第二十三有供養諸佛之願何連此願耶答上但供養諸佛是住解脫三昧雖供養諸佛不失定意以此為別所謂上以供養而爲其體今以定散平等止觀俱住而爲其體言而不失定意若不爾者此之謂也逮得清淨已下止也一發意頃已下觀也辭如鏡浮影初後不二名正一切万物各各浮照云觀也寂照俱時止觀平等是此願意也問清淨解脫三昧者其行相如何答有餘師說八解脫中其隨一也八解脫者內有色相

外觀色是內無色相外觀色是白骨是四無色定是  
五六也滅盡定是也此中第三白骨放光亦名清淨解  
脫身作證是云清淨解脫三昧云云未必然也猶即  
聲聞俱解脫人所得定也今是攝菩薩願大乘益也  
機教不順未在未在今謂夫菩薩万行雖遍取要言  
之不出奢摩他毗婆舍那奢摩他是伏結業之初門  
也毗婆舍那亦斷煩惱之正路也然則愛養心識之  
善資定也觀察神解之妙術慧也定是止也止心  
識故云清淨慧是觀也觀觀方法故名解脫是故觀  
心內寂照備止觀於一念是性頓人之所得也依修

一行三昧不作意而獲得此利是願益也蒙此於菩  
薩譬如龍與水亦似虎放山古人云有意氣時添意  
氣不風流處亦風流蓋此類也云願成就云得深禪  
定諸通明慧遊志七覺修心佛法但是彼士事也生貴家者  
是第四十三聞名生貴家願也亦生尊貴家願謂亦  
云化物高貴願興文云他方國土諸菩薩衆聞我名  
字壽終之後生尊貴家若不爾者不取正覺比間所  
云貴家者是何處所答依智論意三賢菩薩出無佛  
世或生天上或應人間於人間中即生三家一者王  
家二者婆羅門家三者長者居士家大士名長者今此

本願言生尊貴家者從一王家生一王宮從一貴家生一貴家不生貧窮下賤之家是猶彼弥陀願力若不因願力即生貴家難得云一般師云經曰當坐道場生諸佛家諸佛之家即是極樂法王家故名尊貴家云未必然也若爾者與第十八願無少別故又攝他國未必往生故云具德者是第四十四聞名具德願也亦名福智雙修願興文云他方國土諸菩薩衆聞我名字歡喜踊躍修菩薩行具足德本若不爾者不取正覺已問所言德本者是何義耶答此是万行萬善德也斯乃智行備乘戒具圓因極果滿成正覺

也古人云以德勝人安以力勝人危已言其德者道德之德道者常道德者政德德政之君則天下主也何況菩薩求佛大道必具德本具其德本塵劫修行然若得聞無量壽聲快在甚善速疾具德是此願益也或可聞名即是當體具德經云其有得聞彼佛名號歡喜踊躍乃至一念當知此人爲得大利則是具足無上功德已小經六讚嘆阿弥陀佛不可思議功德已上万善妙體歸果號三字恒河功德真至心一念有道無邊性德攬入識心蓋此願謂也云見佛者是第四十五聞名見佛願也亦名普等三昧願亦曰不

離諸佛願。興文云。他方國土。諸菩薩衆聞我名字。皆悉逮得。普等三昧住。是三昧。至于成佛。常見無量不可思議一切諸佛。若不爾者。不取正覺。已問上。四十二願云。遠得清淨解脫。三昧供養無量一切諸佛。已與今此願有何別耶。答上。願深位定散自在。供養諸佛。今不必要定散自在。但得三昧。常見諸佛。乃至成佛。不離諸佛。故非繁重。問何故名。普等三昧。答興師釋云。普者。即普遍義。等者。即齊等義。所見普廣佛者。皆見故。所住定名。爲普等。大疏已上。問依聞名力。何得此定。答願力。不可思議所得。何疑。見弥陀者必見諸佛。況定答願力。不可思議所得。何疑。

深位菩薩所得定乎。云不退轉者。是第四十七。聞名不退轉願也。又云。他方國土諸菩薩衆聞我名字。不即得至。不退轉者。不取正覺。已問與上第三十四。聞名得忍願。有何別耶。答上。攝允夫願故。信前。凡夫依聞名力證初住無生。今攝菩薩故。廣通初後。謂非但允夫依弥陀願力。得無生忍。若菩薩等亦依願力。得不退轉也。故雖爲兩願。無繁重失。云得三法忍者。是第四十八。聞名得三法忍願也。文云。他方國土諸菩薩衆聞我名字。不即得至。第一第二第三法忍。於諸佛法不能即得。不退轉者。不取正覺。已問與次上願。

有何差別。答上揔云：「不退故廣，通淺深。」今別云：「第一二三故狹，局三忍，趣別既異，非繁重失。」問三法忍者是何位耶？答有餘師說：「一二三法忍之文未得明據。若依仁王五忍者，何除終？」只云：「一二三乎其義無故歟？」次上有聞名至不退轉之願與今法忍淺深如何云不退云法忍聖教常文似無淺深。若余者二願既重言也。此義最可思慮。人師不釋此等不審。憲此釋雖舉不審，未及決擇。未在末住有餘師說案仁王經有五忍，謂伏忍、信忍、順忍、無生忍、寂滅忍。伏忍位在地前，習種性種道種。信忍位在初二三地，順忍位。

在四五六地無生忍位，在七八九地寂滅忍位，在第十地及佛地。今此中言得第一第二第三法忍者，即是初三忍。法未必然也。有何所以於五忍中除終二也？若言無生寂滅得難，故者順忍已下亦可然耳。若言本願得故者無生忍已上亦可然焉。若言雖同，依本願初三易得故，依願得後二難得故，雖依願而不得故者，明據何處？在元有餘師說有說：即仁王般若五忍之中，如其次第伏忍、信忍、順忍也。舉法此忍不然信忍，即初二三地順忍，即四五六地。如何但聞彼佛名得此二忍耶？若謂聞名漸次得者，亦應說獲五

忍已上今即伏忍三位名爲三法忍瑜伽亦說勝解行地有下中上品三法忍故興未必然也先於破文而言如何但聞彼佛名得此二忍耶者此破不極成願力不思議若佛力住持不得何位况聞名舉所歸證得不退可依义修練行初後雖異偏依弥陀三昧得法忍故此願攝持之所致也次若謂聞名等之破文無指過失又後述自義文雖無指謬混亂上願何不分別謂上三賢不退是三賢不退不退者法忍一法異名故若分別兩願異以可同宗釋一邊瑜伽論說明據故委<sub>下尺</sub>今云非是五忍之中初三亦非伏忍

三十人也但是五忍之中信忍三品名三法忍即初二三地也初地菩薩住平等忍修行四攝能滅三界貪煩惱故斷無量生死觀諸法實相於第一義諦心不傾動達非道即佛道以願力自在生於一切淨佛土而能作諸佛事以四大寶藏常授與衆生令增長諸善根已上此地名歡喜地新名極喜地又名不動地又號堪忍地亦名一子地復稱空平等地一一名字皆有其義并約斷惑位者初斷一品無明見中道妙理其喜無極故以爲名分身散影百佛世界自在教化一切衆生云第二地菩薩以四無量心能滅三

有嗔等煩惱行一切功德教化衆生。已上此位名離  
垢地。捨離諸惡業煩惱之垢穢能達持衆苦故也。云  
第三地菩薩名明慧地常住無相忍行三明觀了知  
三世法心心寂滅盡三界癡煩惱。已上謂受持一切  
法內智分明外用自在也。云得如是地位經歷多劫  
然弥陀世尊而以願力他方國土菩薩衆等念名號  
念慈願速至深忍得不退轉故念念流入普賢願海  
步步遊履無生正觀此是不可思議大悲本願增上  
緣也。或云但是一義或可。是伏忍之三品位也。瑜伽論說  
有證明故大師釋定善云菩薩徐徐授寶衣光觸體

得成三忍。已上又法事記云。法侶漿衣競來著證得不退  
入三賢。已上云。兩處釋得成三忍與證得不退文相義  
理更以無異然證得不退文下云入三賢故知上文  
得三忍亦是伏忍三十人也。知言三法忍者三賢忍  
也。但與次上願文分同異者上總云不退故或一或  
二隨人不定今別云第一第二第三故三忍各悉得  
之願成就文亦云得三法忍大師釋亦云得成三忍  
不具與具以之爲別。云云此是相傳義或可。今三忍者信忍  
順忍無生忍也所以者何。伏忍次上不退轉願寂滅  
忍者即是必至補處願也所以今舉中間三忍名三

法忍隨而無生忍者與彼無生全以言同柔順忍者與彼順忍是別異乎無生順忍若其然者信忍音響亦何別耶但至大師釋者非分明違文忍是釋別三忍以何云定此願三忍具上此願攝他國願彼釋即是自國得益何強例尚設雖三忍指此願益何必引同人三賢文併付此義頗有疑殆曰若爾者非五忍初何以事新而云第一第二第三云會此難者曰雖非五忍初於是三忍中有一二三故強無失但置第字顯衆多機如云若一日若二日等云云此是愚意今案願成就云得三法忍一者音響忍二者柔順忍三者無生

法忍已上俱是彼土事也已上攝他國九願畢於前攝自國九願即成攝菩薩一十八種此下應云上來攝聲聞攝菩薩二種雖殊廣釋攝聖人願畢又亦應言初釋攝凡夫後釋攝聖人上來雖有二種不同廣釋攝衆生願畢凡四十八願一類願故三種攝願一一通用攝凡庸聖攝自攝他亦互通用所以者何佛身既爾況土生耶乃至衆生既爾况射土耶凡夫既爾况聖人耶他國既爾况自國耶所以本願凡夫成就菩薩本願他國成就自國本願願成影略互顯一一誓願互爲主伴云問何故本願有四十八二十四等不同耶

答寂師釋云願欲無量隨所化宜說四十八舊兩本中唯二十四雖是同本而傳譯者致令願數具闕不同上記興師尺云又彼二經抄出於四十八願所以有此參差者蓋梵本有備闕故傳譯遂而脫落也義推言之即法護經應爲指南已來一節尺云由開合故名種不同諸有智者如理應思已大僧正生九品年云大寶積經無量壽分同說四十八大願此等之經同本異譯而其發願多少異者弘決云願數不同部異見別不須和會上初尺攝法身願三次尺攝淨土願二後尺攝衆生願三上來雖有三種八十不同

### 廣尺成別願竟

#### 五增上緣義

頌曰亦有五種增上緣見佛護念及滅罪

攝生證生是五種或分現當二增上

義曰此之一頌正釋五種增上緣義於中初之一句是總標也次之一句并次之句上四字者五增上緣之列釋也下之三字是結文也第四一句即是明以五種合爲二種亦有五種增上緣者非但物別願爲增上緣復有五增上緣故云亦有或可名雖異體一也謂亦名總別願亦有名五種增上緣故云亦有云

五種增上緣者一見佛增上緣二護念增上緣三滅  
罪增上緣四攝生增上緣五證生增上緣問見佛增  
上緣是何者耶答見者能見佛者所見見之佛故依  
主釋也定心散心心見眼見平生臨終現當見佛此  
是憇別願力所加而已問護念增上緣是何者耶答  
新云加持舊云護念護謂覆護不使魔娆念謂記念  
不令退失護及念故相違釋也通贊云諸佛護持明  
記憶念也即衆行雖廣難方念佛之功諸福雖多爭  
并持經之力故使六方諸佛以神力而護持沙界聖  
人乃一心憶念故云一切諸佛所護念經比靈芝云

護謂覆護不使魔娆。忘謂記念不令退失。比熱至章云。十方如來憐念衆生。如母憶子。上大論云。譬如魚子。母若不念子。即壞爛已。二十五神。三十六天。二尊三佛。隨遂影護。此是諸佛摠別願力所加而已。問滅罪增上緣是何者耶。答滅者能滅罪者。所滅滅之罪。故依主釋也。定散諸業滅罪生善。此是諸佛摠別願力所加而已。問攝生增上緣是何者耶。答攝者即是如來能攝生者。即是衆生。生也。攝之生故。依主釋也。五濁五苦三毒衆生引攝得生。此是諸佛摠別願力。所加而已。問證生增上緣是何者耶。答證者。諸佛證

誠語也。生者即是往生，生也證之生故，依主釋也。凡夫往生，弥陀自證，釋迦證讚，諸佛證明，三佛同心，保任此事。此是諸佛懇別願力所加而已。或分現當等者，問云：何合爲二增上緣？答前三現生後二當生，或可護念滅罪。唯約現生攝生證生，唯局當生見佛，一緣亦通二世。已上五增上緣畢此下應言初尺，摠願次尺別願。後尺五增上緣上來三種雖殊廣尺成外緣門竟。

### 三輩義

頌曰 往生品位輩品二

三輩即是上中下

上輩出家及發心 一向專念無量壽

義曰：自下第三往生品位門也。付之即有十三頌於申初之三頌，即尺三輩次之七頌，尺九品之二頌，尺淨土實義後之一頌，重舉實義以結此門。今即其之初也。於申初之一句上之四字，此門物標下次之三字輩品別標次之一句，亦是三輩之別標也。次下二句及後二頌，即是三輩之列釋也。往生品位者言往生者所證淨土，即無生異名也。品位者能證教門，即機生不同也。往生之品位，故依主尺也。言品位者，三輩九品之懇標也。輩品二者，三輩九品之別標也。

上車出家等者是明於上輩有五因緣略論云上生  
輩者有五因緣一者捨家棄欲而作沙門二者發菩  
提心三者一向專念照量壽佛四者修諸功德五者  
願生安樂國。已問若爾者今何只舉三因緣耶答今  
亦非違彼釋彼釋具舉往生因緣故列五因緣今述  
三輩差別故但舉三因緣謂願生心者是安心故同  
通三輩非別一輩故略之也修諸功德者亦是非指  
一行義亦顯上第十九願故略之。問若言通三輩  
故略願生心者發菩提心一向專念亦通三輩何不  
略之答彼既要行凡付三輩論廢立助正傍正三義

依一向專念也又付三輩及與九品論其同異依發  
菩提心等也故不略之况今所略且存省略於義無  
捨云問經云欲於今世見無量壽佛已然淨土期往  
生何云今世等耶答上文既云臨壽終時等下文結  
欲於今世等知今世見佛者指臨終見佛也故淨影  
疏云是故已下結漢修習無量壽佛已

頌曰中輩文中七因緣

發心一向持齋戒

起立塔像施飯食

懸繒燃燈散華香

義曰此之一頌即釋中輩於中第一之句是別標也  
下之三句是列釋也略論云中輩生者有七因緣一

者發無上菩提心二。者一向專念無量壽佛三。者多  
少修善奉持齊戒四。者起立塔像五。者飯食沙門六。  
者懸繒燃燈散華燒香七。者以此廻向願生安樂已  
問若爾者今何標云七因緣尺不舉第七耶答是亦  
如上以局一輩之行為分別三輩且略安心故不相  
違難云若爾者何不云六因緣耶答標依彼論尺舉  
往生因緣故云七因緣尺分別三輩故列六因緣標  
尺互顯二不相違此標尺義在中輩頌令知上下云  
或可今此頌意標尺全同但七因緣者於經六因緣  
中開第六而爲二謂懸繒燃燈莊嚴道場散華燒香

供養道場但略願心全同上釋問多少修善者是何  
善耶答是五因緣物標也文雖有第三因緣義通下  
五緣知第二緣正以奉持齊戒而爲體也

頌曰下輩發心及一向

真化夢佛上中下

廢立助正傍正三

義曰此之一頌上之一句標釋下輩下之三句結成  
三輩尺下輩中初之二字標次之五字釋於結文中  
初之一句明來迎佛次之二句釋於三輩各有三義  
下輩發心及一向者略論云下輩生者有三因緣一  
者假使不能作諸功德當發無上菩提心二。者一向

婁。遂乃至十念。念無量壽佛三者。以至誠心願生安樂。已上問何今舉二因耶。答如上中兩輩釋真化夢佛者上輩經云。無量壽佛與諸大衆現其人前。已中輩經云。無量壽佛化現其身光明相好具如真佛與諸大衆現其人前。已下輩經云。夢見彼佛亦得往生。上問佛有現在其人前願何有真化等差耶。答報化雖異俱弥陀故。不違本願。云下品既感化佛此經下輩何云夢佛况本願中無夢佛意如何。答機感佛應未必一准。何以彼難此但設會釋有餘師說此機劣故。雖覺時見以不了了且說夢佛云未必然也。清淨覺。

經云。其人壽命病欲終時無量清淨佛則念其人於卧睡夢中見無量壽佛國土。已水阿彌陀經全同之。淨影疏云。就往生中明於夢中夢見彼佛亦得往生。已此等經釋分明也。何云覺時見佛耶。但至難者夢覺雖異見佛惟同。何云夢願夫實夢見後覺了亦見佛經。且爲分別三輩不同云真化夢佛歟。廢立等者問於三輩。各三義。意如何。答於三輩有諸行。有念佛諸行。爲廢說念佛爲立說。故云一向是名廢立義。又諸行爲助說念佛爲正說。故云一向是名助正義。又諸行爲傍說念佛爲正說。故云一向是名傍正義。

三義摠合，成四機。一廢立機，二助正機，三傍機，四正機也。三輩合論，成二十二機也。問於三義中，何爲正耶？答選擇云：若依善導以初爲正，已上三輩畢。

釋淨土二藏義卷第二十七

